

**СТАНДАРТЧИЛАЛ, ТЕХНИКИЙН ЗОХИЦУУЛАЛТ, ТОХИРЛЫН ҮНЭЛГЭЭНИЙ
ИТГЭМЖЛЭЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ
ХУУЛИЙН ТӨСӨЛ БОЛОН ХАМТ ӨРГӨН МЭДҮҮЛСЭН БУСАД ХУУЛЬ,
ТОГТООЛЫН ТӨСЛҮҮДИЙН АНХНЫ ХЭЛЭЛЦҮҮЛГИЙГ ЯВУУЛСАН ТАЛААРХ
ЭДИЙН ЗАСГИЙН БАЙНГЫН ХОРООНЫ САНАЛ, ДҮГНЭЛТ**

2022 оны 12 дугаар
сарын 20-ны өдөр

Улаанбаатар
хот

Илтгэгч нь: Улсын Их Хурлын гишүүн Х.Ганхуяг

Улсын Их Хурлын дарга, эрхэм гишүүд ээ,

Монгол Улсын Засгийн газраас Зөвшөөрлийн тухай хууль /Шинэчилсэн найруулга/-д нийцүүлэх, хуулийн давхардал, хийдэл, зөрчлийг арилгах зорилгоор 2022 оны 11 дүгээр сарын 21-ний өдөр Улсын Их Хуралд өргөн мэдүүлсэн Стандартчилал, техникийн зохицуулалт, тохирлын үнэлгээний итгэмжлэлийн тухай хуульд нэмэлт, өөрчлөлт оруулах тухай хуулийн төсөл болон хамт өргөн мэдүүлсэн бусад хууль, тогтоолын төслүүдийн хэлэлцэх эсэх асуудлыг Улсын Их Хурлын 2022 оны 12 дугаар сарын 02-ны өдрийн чуулганы нэгдсэн хуралдаанаар хэлэлцэн шийдвэрлэж, төслийг анхны хэлэлцүүлэгт бэлтгүүлэхээр Эдийн засгийн байнгын хороонд шилжүүлсэн.

Улсын Их Хурлын даргын 2021 оны 05 дугаар сарын 28-ны өдрийн 38 дугаар захирамжаар байгуулагдсан Зөвшөөрлийн тухай хуулийн төслүүдийг нэгтгэн Байнгын хорооны болон чуулганы нэгдсэн хуралдаанаар хэлэлцүүлэх бэлтгэл хангах, санал, дүгнэлтийн төсөл боловсруулах үүрэг бүхий ажлын хэсэг дээрх хууль, тогтоолын төслүүд дээр ажиллалаа.

Тус Байнгын хороо хуулийн төслүүдийн анхны хэлэлцүүлгийг 2022 оны 12 дугаар сарын 20-ны өдрийн хуралдаанаараа явуулж, дараах санал, дүгнэлтийг гарган Та бүхэнд танилцуулж байна.

Байнгын хорооны хуралдаанаар төслүүдийн анхны хэлэлцүүлгийг явуулах үед Зөвшөөрлийн тухай болон холбогдох бусад хуульд нийцүүлэх чиглэлээр бэлтгэсэн зарчмын зөрүүтэй саналууд болон Улсын Их Хурлын хэлэлцүүлгийн шатанд байгаа хуулийн төслүүд дэх зөвшөөрлийн харилцааг хүчин төгөлдөр мөрдөгдөж байгаа хуулиар зохицуулах зорилгоор Боловсролын тухай хуульд нэмэлт, өөрчлөлт оруулах тухай, Газрын тухай хуульд нэмэлт, өөрчлөлт оруулах тухай, Геодези, зураг зүйн тухай хуульд нэмэлт, өөрчлөлт оруулах тухай, Кадастрын зураглал ба газрын кадастрын тухай хуульд нэмэлт, өөрчлөлт оруулах тухай, Хот байгуулалтын тухай хуульд нэмэлт, өөрчлөлт оруулах тухай хуулийн төслүүдийг хууль санаачлагчид нь буцаах тухай зарчмын зөрүүтэй саналын томъёоллуудыг хуралдаанд оролцсон гишүүдийн олонх дэмжсэн болно.

Түүнчлэн Улсын Их Хурлын гишүүн Б.Энхбаяр дээрх хуулийн төслүүдтэй хамт өргөн мэдүүлсэн Ашигт малтмалын тухай хуульд нэмэлт, өөрчлөлт оруулах тухай, Тусгай хамгаалалттай газар нутгийн тухай хуульд нэмэлт, өөрчлөлт оруулах тухай хуулийн төслүүдийг хууль санаачлагчид нь буцаах тухай зарчмын зөрүүтэй саналын томъёолол гаргасныг хуралдаанд оролцсон гишүүдийн олонх дэмжлээ.

Стандартчилал, техникийн зохицуулалт, тохирлын үнэлгээний итгэмжлэлийн тухай хуульд нэмэлт, өөрчлөлт оруулах тухай хуулийн төсөл болон хамт өргөн


мэдүүлсэн бусад хууль, тогтоолын төслүүдийн талаарх зарчмын зөрүүтэй саналын томьёоллуудыг нэг бүрчлэн хэлэлцэн санал хураалт явуулж, олонхын санал авсан зарчмын зөрүүтэй саналын томьёоллуудыг Байнгын хорооны санал, дүгнэлтийн хамт Та бүхэнд хүргүүлсэн болно.

Улсын Их Хурлын эрхэм гишүүд ээ,

Стандартчилал, техникийн зохицуулалт, тохирлын үнэлгээний итгэмжлэлийн тухай хуульд нэмэлт, өөрчлөлт оруулах тухай хуулийн төсөл болон хамт өргөн мэдүүлсэн бусад хууль, тогтоолын төслүүдийн анхны хэлэлцүүлгийг явуулсан талаарх Эдийн засгийн байнгын хорооны санал, дүгнэлт, зарчмын зөрүүтэй саналуудыг хэлэлцэн шийдвэрлэж өгөхийг Та бүхнээс хүсье.

Анхаарал тавьсанд баярлалаа.

**ЭДИЙН ЗАСГИЙН БАЙНГЫН
ХОРООНЫ ДАРГА**



Ц.ЦЭРЭНПУНЦАГ

**ЗӨВШӨӨРЛИЙН ТУХАЙ ХУУЛЬ /ШИНЭЧИЛСЭН НАЙРУУЛГА/-Д НИЙЦҮҮЛЭН
ХУУЛИЙН ДАВХАРДАЛ, ХИЙДЭЛ, ЗӨРЧЛИЙГ АРИЛГАХ ЗОРИЛГООР
БОЛОВСРУУЛСАН ХУУЛИЙН ТӨСЛҮҮДИЙН ТАЛААРХ ЗАРЧМЫН
ЗӨРҮҮТЭЙ САНАЛЫН ТОМЬЁОЛОЛ**

Эдийн засгийн байнгын хорооны дэмжсэн санал:

НЭГ.АВТО ЗАМЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 2 дахь заалтын 33.3 дахь хэсгийн “тусгай зөвшөөрлийг олгох, сунгах, түдгэлзүүлэх, сэргээх, хүчингүй болгох шийдвэрийг” гэснийг “зөвшөөрлийг” гэж өөрчлөх.

**Санал гаргасан: Улсын Их Хурлын гишүүн Х.Ганхуяг,
Г.Амартүвшин, Х.Булгантуяа, Г.Ганболд,
Д.Өнөрболор, Б.Пүрэвдорж, Б.Энхбаяр
/цаашид “Ажлын хэсэг” гэх/**

2.Төслийн 2 дугаар зүйлийн 1, 2, 4, 5, 6 дахь заалт, мөн зүйлийн 3 дахь заалтын 20.1 дэх хэсгийг тус тус хасах.

Санал гаргасан: Ажлын хэсэг

НАЙРУУЛГЫН САНАЛ

1.Саналын томьёоллын 2 дахь санал дэмжигдсэнтэй холбогдуулан 2 дугаар зүйлийн “дараах хэсэг, заалтыг” гэснийг “20 дугаар зүйлийн 20.6 дахь хэсгийг” гэж өөрчлөх.

Санал гаргасан: Ажлын хэсэг

---oOo---

ХОЁР.АГААРЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийн “, 14 дүгээр зүйлийн 14.1.6 дахь заалтын “байшин,” гэсний дараа “стандартын шаардлага хангасан дулаалгатай гэр,” гэж тус тус” гэснийг хасах.

Санал гаргасан: Ажлын хэсэг

2.Төслийн 4 дүгээр зүйлийн ““хэрэгжилтэд мэргэжлийн” гэсний дараа “хяналтын асуудал эрхэлсэн” гэж нэмж, мөн зүйлийн ““тэдгээрийг импортлох, худалдах, ашиглах тусгай зөвшөөрөл олгох журмыг Засгийн газар” гэснийг “байгаль орчны асуудал эрхэлсэн төрийн захиргааны төв байгууллага” гэж,” гэснийг “болон энэ хуулийн 25.5-д заасан мэргэжлийн байгууллагын эрх олгоход тавигдах шаардлагыг байгаль орчны асуудал эрхэлсэн Засгийн газрын гишүүн” гэж, мөн зүйлийн “Засгийн газраас томилсон эрх бүхий” гэснийг “байгаль орчны асуудал эрхэлсэн төрийн захиргааны төв” гэж, мөн зүйлийн “хяналтын стандартын хэрэгжилтэд холбогдох” гэснийг “стандартын хэрэгжилтэд холбогдох” гэж тус тус өөрчлөх.

Санал гаргасан: Ажлын хэсэг

---oOo---

ГУРАВ.АЖИЛЛАХ ХҮЧНИЙ ШИЛЖИЛТ ХӨДӨЛГӨӨНИЙ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1.Төслийн нэрийн “ХУУЛЬД ӨӨРЧЛӨЛТ ОРУУЛАХ” гэснийг “ХУУЛИЙН ЗАРИМ ХЭСЭГ, ЗААЛТЫГ ХҮЧИНГҮЙ БОЛСОНД ТООЦОХ” гэж өөрчлөх.

Санал гаргасан: Ажлын хэсэг

---oOo---

ДӨРӨВ.АМЬТНЫ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 2 дахь заалтын 7.7 дахь хэсгийн “Зөвшөөрлийн тухай хуулийн 8.2 дугаар зүйлийн 1.7-д заасан” гэснийг хасаж, мөн зүйлийн 3 дахь заалтын 29¹.1 дэх хэсгийг доор дурдсанаар өөрчлөн найруулах:

“29¹.1.Энэ хуулийн 20.2-т заасан ховор амьд амьтны цуглуулга хийх тусгай зөвшөөрөл, 25.1-д заасан тусгай болон үйлдвэрлэлийн зориулалтаар агнуурын амьтан агнах, барих тусгай зөвшөөрлийг Зөвшөөрлийн тухай хуулийн 5.6 дугаар зүйлд заасны дагуу дуудлага худалдааны журмаар олгоно.”

Санал гаргасан: Ажлын хэсэг

2.Төслийн 1 дүгээр зүйлийн 3 дахь заалтын 29¹.2 дахь хэсгийн “баталсанаас” гэснийг “баталсан шийдвэр гарснаас” гэж өөрчилж, 29¹.3 дахь хэсгийн “этгээд” гэсний дараа “, эсхүл” гэж, 29¹.4 дэх хэсгийн “24 цагийн өмнө” гэсний дараа, 29¹.7 дахь хэсгийн “24 цагийн дотор” гэсний дараа “дуудлага худалдаа зохион байгуулагчийн” гэж тус тус нэмэх.

Санал гаргасан: Ажлын хэсэг

3.Төслийн 1 дүгээр зүйлийн 3 дахь заалтын 29¹.8 дахь хэсгийн “Хэрвээ ялсан этгээд тогтоосон хугацаанд” гэснийг “Дуудлага худалдааны ялагч” гэж, 29¹.9 дэх хэсгийн “дүрс” гэснийг “дуу-дүрсний” гэж, 29¹.10 дахь хэсгийн “худалдааны ялагч нь тэмдэглэл болон гэрээнд” гэснийг “худалдаанд оролцогчид тэмдэглэлд үндэслэлгүйгээр” гэж, мөн хэсгийн “зайлсхийсэн” гэснийг “татгалзсан” гэж 29¹.14 дэх хэсгийн “29.1-д” гэснийг “29¹1-д” гэж тус тус өөрчилж, мөн заалтын 29¹.12.3 дахь заалтыг доор дурдсанаар өөрчлөн найруулах:

“29¹.12.3.энэ хуулийн 29¹.8-д заасан нөхцөл байдал үүссэн бөгөөд дараагийн өндөр үнийн санал гаргасан этгээд татгалзсан тохиолдолд.”

Санал гаргасан: Ажлын хэсэг

4.Төслийн 1 дүгээр зүйлийн 4 дэх заалтын 36.7, 36.8 дахь хэсгийг доор дурдсанаар тус тус өөрчлөн найруулах:

“36.7.Байгаль орчны асуудал эрхэлсэн төрийн захиргааны төв байгууллага энэ хуулийн 36.1-д заасан зөвшөөрлийг сунгуулах өргөдлийг хүлээн авах, магадлан шалгах ажиллагааг ажлын 15 өдрийн дотор явуулах бөгөөд уг ажиллагааг дууссанаас хойш ажлын таван өдрийн дотор холбогдох саналыг Засгийн газарт хүргүүлнэ.

36.8.Засгийн газар энэ хуулийн 36.7-д заасан саналыг ажлын 15 өдөрт багтаан хэлэлцэж, шийдвэр гаргана.”

Санал гаргасан: Ажлын хэсэг

5.Төслийн 2 дугаар зүйлийн 4 дэх заалтын 25.5 дахь хэсгийн “заасны дагуу сум, дүүргийн Засаг дарга” гэснийг “заасан зөвшөөрлийг олгох эрх бүхий этгээд” гэж, мөн зүйлийн 5 дахь заалтын 36.1 дэх хэсгийн “заасны дагуу нэн ховор амьтныг амьдаар нь гадаад улсад гаргах зөвшөөрлийг дуудлага худалдааны журмаар” гэснийг “заасан зөвшөөрлийг Монгол Улсын нэгдэн орсон олон улсын гэрээний дагуу Засгийн газар” гэж өөрчилж, мөн заалтын 36.5 дахь хэсгийг доор дурдсанаар өөрчлөн найруулах:

“36.5.Зөвшөөрлийн тухай хуулийн 8.1 дүгээр зүйлийн 1.1-д заасан зөвшөөрлийг түдгэлзүүлэх, сэргээх асуудлыг мөн хуулийн 3.3 дугаар зүйлийн 1-д заасны дагуу байгаль орчны асуудал эрхэлсэн төрийн захиргааны төв байгууллага хэрэгжүүлнэ.”

Санал гаргасан: Ажлын хэсэг

6.Төслийн 3 дугаар зүйлийн “7 дугаар зүйлийн 7.2 дахь хэсгийн “Нэн” гэснийг “Зөвшөөрлийн тухай хуулийн 8.2 дугаар зүйлийн 1.5-д заасны дагуу нэн” гэж,” гэснийг хасаж, мөн зүйлийн “заасны дагуу сум, дүүргийн Засаг дарга” гэснийг “заасан зөвшөөрлийг олгох эрх бүхий этгээд” гэж өөрчлөх.

Санал гаргасан: Ажлын хэсэг

НАЙРУУЛГЫН САНАЛ

1.Төслийн 1 дүгээр зүйлийн 3 дахь заалтын 29¹.8 дахь хэсгийн “29¹.7-д заасан” гэсний дараа “хугацаанд” гэж нэмж, 2 дугаар зүйлийн 4 дэх заалтын “25.1, 25.5 дахь” гэснийг “25.1 дэх” гэж өөрчлөх.

Санал гаргасан: Ажлын хэсэг

---oOo---

ТАВ.АРХИВ, АЛБАН ХЭРЭГ ХӨТЛӨЛТИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 3 дугаар зүйлийн 26.2 дахь хэсгийг доор дурдсанаар өөрчлөн найруулах:

“26.2.Архивын баримт хадгалах үйлчилгээ эрхлэх хуулийн этгээд архивын баримтыг хадгалуулах хүсэлт гаргасан иргэн, хуулийн этгээдтэй гэрээ байгуулах бөгөөд гэрээний загварыг архив, албан хэрэг хөтлөлтийн асуудал хариуцсан төрийн захиргааны байгууллагын дарга батална.”

Санал гаргасан: Ажлын хэсэг

---oOo---

ЗУРГАА.АШИГТ МАЛТМАЛЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийг хууль санаачлагчид нь буцаах.

Санал гаргасан: Улсын Их Хурлын гишүүн Б.Энхбаяр

---oOo---

ДОЛОО.БАЙГАЛИЙН УРГАМЛЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 2 дахь заалтын 3 дахь хэсгийг хасах.

Санал гаргасан: Ажлын хэсэг

2.Төслийн 3 дугаар зүйлийн 3 дахь заалтын 12 дугаар зүйлийн 3 дахь хэсгийг хасах.

Санал гаргасан: Ажлын хэсэг

---oOo---

НАЙМ.БАНКНЫ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 3 дахь заалтын 24.2.2 дахь заалтын, мөн зүйлийн 5 дахь заалтын 36.20.5 дахь заалтын “үндэсний эдийн засгийн аюулгүй байдал,” гэснийг тус тус хасах.

Санал гаргасан: Ажлын хэсэг

---oOo---

ЕС.БАЙГАЛЬ ОРЧНЫГ ХАМГААЛАХ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийн “тус тус өөрчилсүгэй” гэсний өмнө “, 10¹ дүгээр зүйлийн 4 дэх хэсгийн “аргачлал, эрх олгох” гэснийг “аргачлалын” гэж” нэмэх.

Санал гаргасан: Ажлын хэсэг

2.Төслийн 3 дугаар зүйлийн “10¹ дүгээр зүйлийн 4 дэх хэсэг,” гэснийг хасах.

Санал гаргасан: Ажлын хэсэг

---oOo---

АРАВ.БОЛОВСРОЛЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийг хууль санаачлагчид нь буцаах.

Санал гаргасан: Ажлын хэсэг

---oOo---

АРВАН НЭГ.ГААЛИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

1.Төслийн 1 дүгээр зүйлийн 1 дэх заалтын 139.1.13 дахь заалтын “, Монгол Улсын гаалийн тухай хууль тогтоомж болон бусад хууль тогтоомжийг зөрчөөгүй болохыг нотолсон цагдаа, гаалийн байгууллагын тодорхойлолт” гэснийг хасаж, мөн зүйлийн 2 дахь заалтын 171.1.10 дахь заалтыг доор дурдсанаар өөрчлөн найруулах:

“171.1.10.хилийн боомт, олон улсын нисэх буудалд ажиллаж байгаа татваргүй барааны дэлгүүр зорчигчийн гадаадад зорчих тийз, гадаад паспорт, гаалийн нутаг дэвсгэрийн гүнд байрлах дэлгүүр нь Монгол Улсад суугаа дипломат

төлөөлөгчийн газрын болон олон улсын байгууллагын дипломат эрх ямба, дархан эрх эдлэх албан тушаалтны паспорт, эсхүл дипломат үнэмлэх болон худалдан авсан барааны мэдээллийг борлуулалт хийх тухай бүр цахим төлбөрийн баримтын системд бүртгэж, цахим баримт олгох;"

Санал гаргасан: Ажлын хэсэг

---oOo---

АРВАН ХОЁР.ГАДААДЫН ИРГЭНИЙ ЭРХ ЗҮЙН БАЙДЛЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1.Төслийн 1 дүгээр зүйлийн 7.7, 7.8 дахь хэсгийг доор дурдсанаар өөрчлөн найруулах:

“7.7.Гадаадын иргэн нь эрх бүхий байгууллагаас олгосон зөвшөөрлийн дагуу улсын онц чухал объектод ажиллаж болно.

7.8.Гадаадын иргэний асуудал эрхэлсэн төрийн захиргааны байгууллага энэ зүйлийн 7.6-д заасан өргөдлийг хүлээн авч Зөвшөөрлийн тухай хуульд заасны дагуу магадлан шалгах ажиллагааг хэрэгжүүлж, саналаа хууль зүйн асуудал эрхэлсэн төрийн захиргааны төв байгууллагаар дамжуулан Засгийн газарт хүргүүлнэ.”

Санал гаргасан: Ажлын хэсэг

2.Төслийн 1 дүгээр зүйлийн 7.11 дэх хэсгийн “7.7, 7.8, 7.9-т” гэснийг “7.8-д” гэж өөрчилж, мөн зүйлийн 7.10, 7.12 дахь хэсгийг тус тус хасах.

Санал гаргасан: Ажлын хэсэг

---oOo---

АРВАН ГУРАВ.ГАЗРЫН ТОСНЫ БҮТЭЭГДЭХҮҮНИЙ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 2 дахь заалтын 7.4 дэх хэсгийн, мөн зүйлийн 5 дахь заалтын 12.2 дахь хэсгийн “худалдаа эрхлэх” гэсний дараа, “, газрын тосны бүтээгдэхүүний үйлдвэрлэл эрхлэх” гэж тус тус нэмж, мөн зүйлийн 5 дахь заалтын “12.2.1 дэх заалтын “4.1.10-т” гэснийг “4.1.9-д” гэж өөрчлөх.

Санал гаргасан: Ажлын хэсэг

2.Төслийн 2 дугаар зүйлийн 2 дахь заалтын 5.2.5 дахь заалтын “1.5 дугаар зүйлийн 3 дахь хэсэгт” гэснийг “3.3 дугаар зүйлийн 1-д” гэж өөрчилж, мөн зүйлийн 3 дахь заалтын 8.3.5 дахь заалтыг, мөн зүйлийн 4 дэх заалтын 9.2.2 дахь заалтыг тус тус хасах.

Санал гаргасан: Ажлын хэсэг

НАЙРУУЛГЫН САНАЛ

1.Төслийн 2 дугаар зүйлийн 1 дэх заалтын “бүтээгдэхүүнийг” гэсний дараа “энэ хуулийн” гэж нэмж, мөн зүйлийн 2 дахь заалтын “уг зөвшөөрлийг” гэснийг хасах.

Санал гаргасан: Ажлын хэсэг

---oOo---

АРВАН ДӨРӨВ.ГАЗРЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийг хууль санаачлагчид нь буцаах.

Санал гаргасан: Ажлын хэсэг

---oOo---

АРВАН ТАВ.ГАЗРЫН ХЭВЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 1 дэх заалтын 10, 11, 12 дахь хэсгийг доор дурдсанаар тус тус өөрчлөн найруулах:

“10.Засгийн газар энэ зүйлийн 6 дахь хэсэгт заасан зөвшөөрлийн түдгэлзүүлэх, сэргээх эрхийг Зөвшөөрлийн тухай хуулийн 3.3 дугаар зүйлийн 1 дэх хэсэгт заасны дагуу байгаль орчны асуудал эрхэлсэн төрийн захиргааны төв байгууллагад шилжүүлнэ.

11.Энэ хуулийн 6 дахь хэсэгт заасан зөвшөөрөл хүссэн өргөдөл болон зөвшөөрөл сунгуулах өргөдлийг байгаль орчны асуудал эрхэлсэн төрийн захиргааны төв байгууллага хүлээн авах, магадлан шалгах ажиллагааг ажлын 15 өдрийн дотор явуулах бөгөөд уг ажиллагааг дууссанаас хойш ажлын таван өдрийн дотор холбогдох саналыг Засгийн газарт хүргүүлнэ.

12.Засгийн газар энэ зүйлийн 11 дэх хэсэгт заасан саналыг ажлын 15 өдөрт багтаан хэлэлцэж, шийдвэр гаргана.”

Санал гаргасан: Ажлын хэсэг

2.Төслийн 1 дүгээр зүйлийн 1 дэх заалтын 13 дахь хэсгийг хасаж, мөн зүйлийн 2 дахь заалтын 4 дэх хэсгийн “13 дахь” гэснийг “3 дахь” гэж өөрчлөх.

Санал гаргасан: Ажлын хэсэг

---oOo---

АРВАН ЗУРГАА.ГАЛТ ЗЭВСГИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийг хасах.

Санал гаргасан: Ажлын хэсэг

2.Төслийн 3 дугаар зүйлийн “18 дугаар зүйлийн 18.5” гэснийг “19 дүгээр зүйлийн 19.5” гэж, мөн зүйлийн “, 20 дугаар зүйлийн 20.1 дэх хэсгийн “Галт зэвсэг ашиглах спортын тэмцээн, сургалтад оролцох, ан агнах зорилгоор” гэснийг “Ан агнах зорилгоор” гэж” гэснийг “13 дугаар зүйлийн 13.5 дахь хэсгийн “загвар, гэрчилгээ олгох журмыг” гэснийг “загварыг” гэж” гэж тус тус өөрчлөх.

Санал гаргасан: Ажлын хэсэг

3.Төслийн 4 дүгээр зүйлийг хасах.

Санал гаргасан: Ажлын хэсэг

---oOo---

АРВАН ДОЛОО.ГАМШГААС ХАМГААЛАХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 7.9 дэх хэсгийг хасах.

Санал гаргасан: Ажлын хэсэг

---oOo---

АРВАН НАЙМ.ГЕНЕТИК НӨӨЦИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийн 15.13, 15.14 дэх хэсгийг хасах.

Санал гаргасан: Ажлын хэсэг

---oOo---

АРВАН ЕС.ГЕОДЕЗИ, ЗУРАГ ЗҮЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийг хууль санаачлагчид нь буцаах.

Санал гаргасан: Ажлын хэсэг

---oOo---

ХОРЬ.ЗАР СУРТАЛЧИЛГААНЫ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийг доор дурдсанаар өөрчлөн найруулах:

“9 дүгээр зүйл.Гадна зар сурталчилгаа

9.1.Гадна зар сурталчилгаанд нийтийн эзэмшлийн барилга байгууламж, зам, гудамж, талбайд самбар, гэрэл дохио, гэрэлтүүлэг болон хөдөлгөөнгүй бусад хэрэгслийн тусламжтайгаар байрлуулах зар сурталчилгаа хамаарна. Гадна зар сурталчилгаа байрлуулахад тухайн аймаг, нийслэл, сум, дүүргийн Засаг даргын Тамгын газар Зөвшөөрлийн тухай хуулийн 8.1 дүгээр зүйлийн 11.12-д заасны дагуу зөвшөөрөл олгоно.

9.2.Гадна зар сурталчилгаа байрлуулах зөвшөөрөл хүссэн өргөдөлд Зөвшөөрлийн тухай хуулийн 5.1 дүгээр зүйлд зааснаас гадна дараахь баримт бичгийг хавсаргана:

9.2.1.гадна зар сурталчилгаа байрлуулах байршил, солбилцлын цэг;

9.2.2.гадна зар сурталчилгааны байгууламжийн ангилал, төрөл, тоо, хэмжээ, ажлын зураг;

9.2.3.орон сууцны зориулалттай барилгын цонхгүй цул хана, дээвэрт сурталчилгааны байгууламж байрлуулах бол тухайн сурталчилгаа байрлуулах хэсэгт

хамааралтай орон сууц өмчлөгчдийн дийлэнх олонх зөвшөөрснийг баталсан Сууц өмчлөгчдийн холбооны Удирдах зөвлөлийн хурлын тогтоол.

9.3.Энэ хуулийн 9.1-д заасан зөвшөөрөл олгох эрх бүхий этгээд гадна зар сурталчилгаа байрлуулах зөвшөөрлийн өргөдлийг Зөвшөөрлийн тухай хуульд заасан журмын дагуу хүлээн авч, шийдвэрлэх бөгөөд дараах шаардлагыг хангасан тохиолдолд мөн хуульд заасан хугацааны дотор зөвшөөрөл олгоно:

9.3.1.тухайн байгууламжийн ангилал, төрөлд холбогдох стандартын шаардлагыг хангасан байх;

9.3.2.тухайн шатны иргэдийн Төлөөлөгчдийн Хурлаас баталсан хориглосон байршилд хамаарахгүй байх;

9.3.3.байрлал нь тухайн аймаг, нийслэл, сум, дүүргийн хот байгуулалт, дэд бүтцийн бүтээн байгуулалтын төлөвлөлт, хот тохижилт, ногоон байгууламж, инженерийн хангамжийн бүтээн байгуулалтад нийцсэн, засварын ажил хийгдээгүй байх;

9.3.4.гадна зар сурталчилгаа нь барилгын ажил хамаарахаар бол барилгын ажил эхлүүлэх зөвшөөрөл болон гүйцэтгэгч байгууллага тусгай зөвшөөрөлтэй байх;

9.3.5.гадна зар сурталчилгаа нь замын хөдөлгөөн зохицуулах дохио, тэмдэг, тэмдэглэлтэй төстэй байх, тэдгээрийг халхлах, далдлах болон бусад хэлбэрээр замын хөдөлгөөнд саад учруулахааргүй байх.

9.4.Гадна зар сурталчилгааны зөвшөөрлийг дараах тохиолдолд цуцална:

9.4.1.ажлын зураггүй, барилга угсралтын зөвшөөрөлгүйгээр гадна зар сурталчилгааны байгууламж байрлуулах;

9.4.2.гадна зар сурталчилгааны байгууламж өнгө үзэмж, аюулгүй байдлын хувьд тавигдах шаардлагыг хангахгүй, зөрчлийг арилгах талаар эрх бүхий этгээдийн албан шаардлагыг тогтоосон хугацаанд биелүүлээгүй;

9.4.3.гадна зар сурталчилгааны байгууламжийн байршил хот тохижилт, бүтээн байгуулалтын ажлын талбайд орсон;

9.4.4.зөвшөөрөл эзэмшигч заасан хугацаанд төлбөрөө төлөөгүй.

9.5.Гадна зар сурталчилгаа байрлуулахыг хориглох байршил, тухайн нутаг дэвсгэрт байрлуулах гадна зар сурталчилгааны өнгө, үзэмж, хэлбэр, аюулгүй ажиллагааны болон стандартын нийтлэг шаардлагыг тухайн шатны нутгийн өөрөө удирдах байгууллага тогтоож болно.

9.6.Энэ хуулийн 9.1-д заасан зар сурталчилгааг байрлуулах зөвшөөрөл олгох, сунгах, хүчингүй болгохтой холбогдох харилцааг Зөвшөөрлийн тухай хуульд заасны дагуу шийдвэрлэнэ.”

Санал гаргасан: Ажлын хэсэг

---oOo---

ХОРИН НЭГ.ЗӨВШӨӨРЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 2, 6, 7 дахь заалтыг тус тус хасах.

Санал гаргасан: Ажлын хэсэг

2.Төслийн 1 дүгээр зүйлийн 9 дэх заалтын 10.14 дэх хэсгийн “Командлалын зөвшөөрлийг үндэслэн” гэснийг “Командлал, эсхүл” гэж өөрчлөх.

Санал гаргасан: Ажлын хэсэг

3.Төслийн 3 дугаар зүйлийн 1 дэх заалтын 1 дэх хэсгийн “1.1, 1.21,” гэснийг, мөн зүйлийн 3 дахь заалтыг тус тус хасаж, мөн зүйлийн 4 дэх заалтын 10.11 дэх заалтын “үйлчилгээ эрхлэх” гэсний дараа “зорилгоор талбай ашиглах” гэж нэмэх.

Санал гаргасан: Ажлын хэсэг

4.Төслийн 4 дүгээр зүйлийн “5.2 дугаар” гэснийг “4.2 дугаар” гэж, мөн зүйлийн “Мэргэжлийн хяналтын ерөнхий газар” гэснийг “Мэргэжлийн хяналтын асуудал хариуцсан төрийн захиргааны байгууллага” гэж, мөн зүйлийн “12.13 дахь” гэснийг “12.14 дэх” гэж тус тус өөрчилж, мөн зүйлийн “Ойн асуудал хариуцсан төрийн захиргааны байгууллага” гэсний дараа “мөн хэсгийн 1.23 дахь заалтын “сум, дүүргийн” гэснийг “аймаг, нийслэлийн” гэж,” гэж нэмэх.

Санал гаргасан: Ажлын хэсэг

5.Төслийн 5 дугаар зүйлийн “, 10 дахь хэсгийн 10.11 дэх хэсгийн “болон нийтийн эзэмшлийн гудамж, талбайд” гэснийг” хасах.

Санал гаргасан: Ажлын хэсэг

---oOo---

ХОРИН ХОЁР.ЗӨРЧЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 3 дугаар зүйлийн “хэсэг, 6.1 дүгээр зүйлийн 18, 21, 22 дахь” гэснийг, мөн зүйлийн “6.1 дүгээр зүйлийн 18, 21, 23 дахь хэсэг, 6.7 дугаар зүйлийн 1 дэх хэсэг, 7.6 дугаар зүйлийн 6,7 дахь хэсэг, 7.15 дугаар зүйлийн 1.2 дахь заалт, мөн зүйлийн 2 дахь хэсэг, 10.23 дугаар зүйлийн 1, 2 дахь хэсгийн “зөвшөөрөлгүйгээр” гэснийг “тусгай зөвшөөрөлгүйгээр” гэж,” гэснийг, мөн зүйлийн “7.15 дугаар зүйлийн 1.1 дэх заалтын “, зөвшөөрөл” гэснийг “тусгай зөвшөөрөл” гэж, мөн зүйлийн 2 дахь хэсгийн “зөвшөөрлийг” гэснийг “тусгай зөвшөөрлийг” гэж,” гэснийг тус тус хасах.

Санал гаргасан: Ажлын хэсэг

2.Төслийн 4 дүгээр зүйлийг доор дурдсанаар өөрчлөн найруулж, 4, 5 дугаар зүйл болгох:

“4 дүгээр зүйл.Зөрчлийн тухай хуулийн 5.14 дүгээр зүйлийн 4.2 дахь заалтын “, эсхүл зөвшөөрөл авах журам зөрчсөн” гэснийг, 6.15 дугаар зүйлийн 6 дахь хэсгийн “, эсхүл зохих зөвшөөрөлгүйгээр дахин боловсруулсан” гэснийг тус тус хассугай.

5 дугаар зүйл.Зөрчлийн тухай хуулийн 5.11 дүгээр зүйлийн 4 дэх хэсгийг, 6.2 дугаар зүйлийн 2 дахь хэсгийг, 6.7 дугаар зүйлийн 3 дахь хэсгийг, 6.10 дугаар зүйлийн 1 дэх хэсгийг, 7.13 дугаар зүйлийн 9.5 дахь заалтыг, 7.15 дугаар зүйлийн 7.1 дэх заалтыг, 7.16 дугаар зүйлийн 2 дахь хэсгийг, 7.18 дугаар зүйлийн 2.1 дэх хэсгийг, 10.18 дугаар зүйлийн 3 дахь хэсгийг, 12.4 дүгээр зүйлийн 5 дахь хэсгийг, 13.2 дугаар зүйлийн 6 дахь хэсгийг, 13.4 дүгээр зүйлийн 3, 5 дахь хэсгийг, 14.5 дугаар зүйлийн 15 дахь хэсгийг, 16.3 дугаар зүйлийг тус тус хүчингүй болсонд тооцсугай.”

Санал гаргасан: Ажлын хэсэг

---oOo---

ХОРИН ГУРАВ.ЗӨРЧИЛ ШАЛГАН ШИЙДВЭРЛЭХ ТУХАЙ ХУУЛЬД НЭМЭЛТ ОРУУЛАХ ТУХАЙ

1.Төслийн 1 дүгээр зүйлийн “, мөн зүйлийн 6.10 дахь заалтын “14.13” гэсний дараа “, 14.15” гэж тус тус” гэснийг хасах.

Санал гаргасан: Ажлын хэсэг

---oOo---

ХОРИН ДӨРӨВ.КАДАСТРЫН ЗУРАГЛАЛ БА ГАЗРЫН КАДАСТРЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийг хууль санаачлагчид нь буцаах.

Санал гаргасан: Ажлын хэсэг

---oOo---

ХОРИН ТАВ.КИБЕР АЮУЛГҮЙ БАЙДЛЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1.Төслийн 1 дүгээр зүйлийн 2 дахь заалтыг хасах.

Санал гаргасан: Ажлын хэсэг

---oOo---

ХОРИН ЗУРГАА.КИНО УРЛАГИЙГ ДЭМЖИХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийн 2 дахь заалтын 20.2.5 дахь заалтыг хасах.

Санал гаргасан: Ажлын хэсэг

НАЙРУУЛГЫН САНАЛ

1.Төслийн 2 дугаар зүйлийн 1 дэх заалтын “7.1.4, 7.1.5 дахь” гэснийг “7.1.4 дэх” гэж өөрчилж, мөн зүйлийн 7.1.5 дахь заалтыг 1 дүгээр зүйлийн 1 дэх заалт болгон, мөн 2 дугаар зүйлийн 2 дахь заалтын 20.2.5-20.2.12 дахь заалтыг 1 дүгээр зүйлийн 3 дахь заалт болгон, мөн заалтын 20.2.4 дэх заалтыг 2 дугаар зүйлийн 3 дахь заалт болгон, мөн заалтын 20.3 дахь хэсгийг мөн зүйлийн 4 дэх заалт болгон, мөн заалтын 20.5 дахь хэсгийг мөн зүйлийн 5 дахь заалт болгон тус тус шилжүүлэх.

Санал гаргасан: Ажлын хэсэг

---oOo---

ХОРИН ДОЛОО.МОНГОЛ УЛСЫН ХИЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 25.5 дахь хэсгийн “зөвшөөрлийг үндэслэн” гэснийг “зөвшөөрлийн дагуу” гэж, мөн хэсгийн “боомт нэвтрэх зөвшөөрлийг олгоно” гэснийг “боомтод нэвтэрч үйл ажиллагаа явуулахад энэ хуулийн 25.4-т заасан баримт бичгийг бүрдүүлж, энэ хуулийн 25.2-т заасан байгууллагад хүргүүлнэ” гэж, мөн зүйлийн 25.6 дахь хэсгийн “25.4, 25.5-д” гэснийг “25.4-т” гэж тус тус өөрчилж, мөн зүйлийн 25.8 дахь хэсгийн “нислэг үйлдэх” гэсний дараа “нислэгийн бүрэлдэхүүнд хилийн зурвас, бүсэд нэвтрэх” гэж нэмж, мөн хэсгийн “ажлын нэг өдрийн дотор” гэснийг хасах.

Санал гаргасан: Ажлын хэсэг

2.Төслийн 2 дугаар зүйлийн “26.2.3, 30.2.3-т” гэснийг “26.2.3-т” гэж өөрчлөх.

Санал гаргасан: Ажлын хэсэг

---oOo---

ХОРИН НАЙМ.МЭРГЭЖЛИЙН БОЛОВСРОЛ, СУРГАЛТЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийн 14.3 дахь хэсгийн “зөвшөөрөл олгох,” гэсний дараа “сунгах,” гэж нэмэх.

Санал гаргасан: Ажлын хэсэг

---oOo---

ХОРИН ЕС.ОЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 1, 4 дэх заалтыг тус тус хасах.

Санал гаргасан: Ажлын хэсэг

2.Төслийн 2 дугаар дугаар зүйлийг хасах.

Санал гаргасан: Ажлын хэсэг

3.Төслийн 3 дугаар зүйлийг хасах.

Санал гаргасан: Ажлын хэсэг

4.Төслийн 4 дүгээр зүйлийг хасах.

Санал гаргасан: Ажлын хэсэг

5.Төслийн 5 дугаар зүйлийг хасах.

Санал гаргасан: Ажлын хэсэг

---oOo---

ГУЧ.ӨРГӨН НЭВТРҮҮЛГИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 3 дахь заалтын 10.6 дахь хэсгийн “Сонгон шалгаруулалтыг жилд нэгээс доошгүй удаа зохион байгуулна” гэснийг хасаж, 3 дугаар зүйлийн 4 дэх заалтыг 1 дүгээр зүйлийн 5 дахь заалтад шилжүүлэх.

Санал гаргасан: Ажлын хэсэг

---oOo---

ГУЧИН НЭГ.РАДИО ДОЛГИОНЫ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 3 дугаар зүйлийн 1 дэх заалтыг 1 дүгээр зүйлийн 1 дэх заалт болгон шилжүүлж, 3 дугаар зүйлийн 2 дахь заалтын 11.1 дэх хэсгийн “зөвшөөрөл, энгийн зөвшөөрөл /цаашид “эрхийн бичиг” гэх/” гэснийг “болон энгийн зөвшөөрөл” гэж, мөн хэсгийн “тусгай зөвшөөрөл, эрхийн бичиг авах өргөдлийг хүлээн авч” гэснийг “зөвшөөрөл хүссэн” гэж тус тус өөрчилж, мөн заалтын 11.4 дэх хэсгийн “Сонгон шалгаруулалтыг жилд 1-ээс доошгүй удаа зохион байгуулна.” гэснийг хасах.

Санал гаргасан: Ажлын хэсэг

2.Төслийн 5 дугаар зүйлийг хасах.

Санал гаргасан: Ажлын хэсэг

---oOo---

ГУЧИН ХОЁР.СОГТУУРУУЛАХ УНДААНЫ ЭРГЭЛТЭД ХЯНАЛТ ТАВИХ, АРХИДАН СОГТУУРАХТАЙ ТЭМЦЭХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 1 дэх заалтыг хасах.

Санал гаргасан: Ажлын хэсэг

2.Төслийн 1 дүгээр зүйлийн 2 дахь заалтын 15¹.1 дэх хэсгийн “чөлөөт бүсийн захирагчид” гэсний дараа “Зөвшөөрлийн тухай хуулийн 5.1, 5.4 дүгээр зүйлд зааснаас гадна” гэж нэмж, мөн заалтын 15¹.1.3 дахь заалтын “хяналтын” гэснийг “хяналт шалгалт хэрэгжүүлэх” гэж өөрчилж, мөн заалтын 15¹.1.4 дэх заалтыг хасаж, 15¹.2 дахь хэсгийг доор дурдсанаар өөрчлөн найруулах:

“15¹.2.Энэ зүйлийн 15¹.1-д заасан баримт бичиг нь эрх бүхий байгууллагад байгаа, эсхүл Нийтийн мэдээллийн ил тод байдлын тухай хуульд заасан үндсэн болон дэмжих системээс татан авах боломжтой бол иргэн, хуулийн этгээдээс шаардахгүй.”

Санал гаргасан: Ажлын хэсэг

3.Төслийн 1 дүгээр зүйлийн 2 дахь заалтын 15¹.4 дэх хэсгийн “хуулийн этгээдэд” гэсний дараа “Зөвшөөрлийн тухай хуульд заасны дагуу” гэж нэмж, мөн зүйлийн 3 дахь заалтын 15².1 дэх хэсгийн “нь зөвшөөрлийн хугацаа дуусахаас 30 хоногоос доошгүй хугацааны өмнө” гэснийг “Зөвшөөрлийн тухай хуулийн 5.5 дугаар зүйлд заасны дагуу” гэж өөрчилж, мөн заалтын 15².1.3 дахь заалтыг хасах.

Санал гаргасан: Ажлын хэсэг

4.Төслийн 3 дугаар зүйлийг хасах.

Санал гаргасан: Ажлын хэсэг

5.Төслийн 4 дүгээр зүйлийн “5 дугаар зүйлийн 5.3 дахь хэсгийн “татвар, мэргэжлийн хяналтын байгууллагын санал, дүгнэлтийг үндэслэн энэ хуулийн 5.2-т заасан журмын дагуу” гэснийг “татварын байгууллагын санал, хяналтын байцаагчийн дүгнэлтийг үндэслэн” гэж,” гэснийг хасах.

Санал гаргасан: Ажлын хэсэг

НАЙРУУЛГЫН САНАЛ

1.Төслийн 1 дүгээр зүйлийн 2 дахь заалтын 15¹.1 дэх хэсгийн “даргад,” гэснийг “дарга, эсхүл” гэж, мөн хэсгийн “бичгийн хамт албан бичиг /цахим/-ээр” гэснийг “бичгийг цахимаар” гэж, мөн заалтын 15¹.3 дахь хэсгийн “хийж шийдвэр гаргах” гэснийг “шийдвэрлэж, зөвшөөрөл олгох” гэж тус тус өөрчилж, мөн заалтын 15¹.3 дахь хэсгийн “дүгнэлт гаргах” гэсний дараа “үүрэг бүхий” гэж, мөн хэсгийн “нийслэлийн Засаг дарга,” гэсний дараа “эсхүл чөлөөт бүсийн нутаг дэвсгэрт” гэж, 15¹.4 дэх хэсгийн “нийслэлийн Засаг дарга,” гэсний дараа “эсхүл” гэж тус тус нэмэх.

Санал гаргасан: Ажлын хэсэг

---oOo---

ГУЧИН ГУРАВ.СОЁЛЫН ӨВИЙГ ХАМГААЛАХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 5 дахь заалтын 52.16 дахь хэсгийн “Ийнхүү шилжсэн” гэснийг “Зөвшөөрөл эзэмших эрхийг шилжүүлэн авсан” гэж өөрчилж, мөн заалтын 52.15.6 дахь заалтын “нэн” гэснийг, 3 дугаар зүйлийн 7 дахь заалтын 53.2 дахь хэсгийн “заавал” гэснийг тус тус хасах.

Санал гаргасан: Ажлын хэсэг

---oOo---

ГУЧИН ДӨРӨВ.СТАНДАРТЧИЛАЛ, ТЕХНИКИЙН ЗОХИЦУУЛАЛТ, ТОХИРЛЫН ҮНЭЛГЭЭНИЙ ИТГЭМЖЛЭЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 1 дэх заалтын 9.5 дахь хэсгийг доор дурдсанаар өөрчлөн найруулж, мөн заалтын 9.6 дахь хэсгийн “нь энэ зүйлийн 9.5-д заасан стандартыг заавал” гэснийг “энэ хуулийн 6.7-д заасан техникийн зохицуулалтыг дагаж” гэж өөрчлөх.

“9.5.Зөвшөөрлийн тухай хуулийн 8.1 дүгээр зүйлийн 1 дэх хэсгийн 1.2, 1.3, 1.5, 1.12, 1.13, 1.15, 1.16, 1.17, 1.18, 1.24, 1.25, 1.29 дэх заалт, 7 дахь хэсгийн 7.2, 7.4, 7.6 дахь заалт, 11 дэх хэсгийн 11.7 дахь заалтад заасан тусгай зөвшөөрлийн болон 8.2 дугаар зүйлийн 1 дэх хэсгийн 1.3, 1.9, 1.11 дэх заалт, 7 дахь хэсгийн 7.1 дэх заалтад заасан энгийн зөвшөөрлийн үндсэн дээр эрхлэх үйл ажиллагаанд холбогдох техникийн зохицуулалтыг мөрдөнө.”

Санал гаргасан: Ажлын хэсэг

2.Төслийн 2 дугаар зүйлийг доор дурдсанаар өөрчлөн найруулж, 1 дүгээр зүйлийн 4 дэх заалт болгон шилжүүлэх.

“Тайлбар: Энэ зүйлийн 4.1.2-т заасан “сонгон хэрэглэх баримт бичиг” гэж хүчин төгөлдөр стандартаас хэрэглэхэд тохирох стандартыг сонгож хэрэглэх эрхийг ойлгоно.”

Санал гаргасан: Ажлын хэсэг

---oOo---

ГУЧИН ТАВ.ТАМХИНЫ ХЯНАЛТЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 1 дэх заалтын 7¹.2 дахь хэсгийн “стандартад заасан” гэснийг “холбогдох стандартын шаардлагаас гадна” гэж өөрчлөх.

Санал гаргасан: Ажлын хэсэг

2.Төслийн 2 дугаар зүйлийн 7.9 дэх хэсгийн “чөлөөт бүсэд тухайн” гэснийг “чөлөөт бүсийн нутаг дэвсгэрт” гэж, мөн зүйлийн 7.11 дэх хэсгийн “зөвшөөрлийн хугацаа” гэснийг “зөвшөөрлийг” гэж тус тус өөрчилж, мөн зүйлийн 7.11.3 дахь заалтыг хасах.

Санал гаргасан: Ажлын хэсэг

---oOo---

ГУЧИН ЗУРГАА.ТӨМӨР ЗАМЫН ТЭЭВРИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 16.12 дахь хэсгийг доор дурдсанаар өөрчлөн найруулах:

“16.12.Төмөр замын суурь бүтэц барих зөвшөөрлийг Зөвшөөрлийн тухай хуулийн 8.1 дүгээр зүйлийн 5.1-д заасны дагуу Засгийн газар олгох, сунгах, хүчингүй болгох бөгөөд мөн хуулийн 3.3 дугаар зүйлийн 1-д заасны дагуу уг зөвшөөрлийг түдгэлзүүлэх, сэргээх шийдвэрийг төмөр замын асуудал эрхэлсэн төрийн захиргааны төв байгууллага гаргана.”

Санал гаргасан: Ажлын хэсэг

---oOo---

ГУЧИН ДОЛОО.ТУСГАЙ ХАМГААЛАЛТТАЙ ГАЗАР НУТГИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийг хууль санаачилагчид нь буцаах.

Санал гаргасан: Улсын Их Хурлын гишүүн Б.Энхбаяр

---oOo---

ГУЧИН НАЙМ.ТҮГЭЭМЭЛ ТАРХАЦТАЙ АШИГТ МАЛТМАЛЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийг хасах.

Санал гаргасан: Ажлын хэсэг

2.Төслийн 3 дугаар зүйлийн “14 дүгээр зүйлийн” гэсний дараа “14.1 дэх хэсгийн “авмагц доор дурдсан ажиллагаа явуулна” гэснийг “авч, Зөвшөөрлийн тухай хуулийн 5.2 дугаар зүйлийн 2-т зааснаас гадна дараах арга хэмжээг хэрэгжүүлнэ” гэж, мөн зүйлийн” гэж нэмэх.

Санал гаргасан: Ажлын хэсэг

НАЙРУУЛГЫН САНАЛ

1.Дээрх санал дэмжигдсэнтэй холбогдуулан төслийн нэрийн “НЭМЭЛТ,” гэснийг хасах.

Санал гаргасан: Ажлын хэсэг

---oOo---

ГУЧИН ЕС.ТЭСЭРЧ ДЭЛБЭРЭХ БОДИС, ТЭСЭЛГЭЭНИЙ ХЭРЭГСЛИЙН ЭРГЭЛТЭД ХЯНАЛТ ТАВИХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 3 дугаар зүйлийн “мэргэжлийн хяналтын төв байгууллагатай хамтран” гэснийг, мөн зүйлийн “13 дугаар зүйлийн 13.4 дэх хэсгийн “мэргэжлийн хяналтын төв байгууллагын зөвшөөрөлтэйгөөр худалдаж” гэснийг “геологи, уул уурхайн асуудал эрхэлсэн төрийн захиргааны төв байгууллагад мэдэгдсэнээр шилжүүлж” гэж, мөн зүйлийн “13.4” гэснийг “13.2” гэж, 14 дүгээр зүйлийн 14.7 дахь хэсгийн “мэргэжлийн хяналтын төв” гэснийг “геологи, уул уурхайн асуудал эрхэлсэн төрийн захиргааны төв” гэж, мөн зүйлийн 14.8 дахь хэсгийн “мэргэжлийн хяналтын асуудал хариуцсан төрийн захиргааны байгууллага” гэснийг “геологи, уул уурхайн асуудал эрхэлсэн төрийн захиргааны төв байгууллага” гэж, 15 дугаар зүйлийн 15.3 дахь хэсгийн “мэргэжлийн хяналтын асуудал хариуцсан төрийн захиргааны” гэснийг “геологи, уул уурхайн асуудал эрхэлсэн төрийн захиргааны” гэж, мөн зүйлийн “мэргэжлийн хяналтын асуудал хариуцсан төрийн захиргааны төв байгууллагад” гэснийг “энэ хуулийн 5.1.6-д заасан журмын дагуу мэдээллийн нэгдсэн санд” гэж, гэснийг, мөн зүйлийн мэргэжлийн хяналтын төв байгууллага” гэснийг “геологи, уул уурхайн асуудал эрхэлсэн төрийн захиргааны төв байгууллага” гэж, 23 дугаар зүйлийн 23.1.1 дэх зүйлийн “мэргэжлийн хяналтын асуудал хариуцсан төрийн захиргааны байгууллага” гэснийг “геологи, уул уурхайн асуудал эрхэлсэн төрийн захиргааны төв байгууллага” гэж, 23.3 дахь хэсгийн “Мэргэжлийн хяналтын төв байгууллага” гэснийг “Геологи, уул уурхайн асуудал эрхэлсэн төрийн захиргааны төв байгууллага нь” гэснийг тус тус хасах.

Санал гаргасан: Ажлын хэсэг

2.Төслийн 4 дүгээр зүйлийн “, 22 дугаар зүйлийн 22.4 дэх хэсгийн “мэргэжлийн хяналтын төв байгууллага,” гэснийг, мөн зүйлийн 23.1.3 дахь заалтын “болон мэргэжлийн хяналтын” гэснийг” гэснийг тус тус хасах.

Санал гаргасан: Ажлын хэсэг

---oOo---

ДӨЧ.УЛСЫН ТЭМДЭГГИЙН ХУРААМЖИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

НАЙРУУЛГЫН САНАЛ

1.Төслийн 2 дугаар зүйлийн “21.1.18, 21.1.20,” гэснийг, 4 дүгээр зүйлийн “, мөн зүйлийн 21.1.21 дэх заалтын “эрх” гэснийг “тусгай зөвшөөрөл” гэж,” гэснийг, 5 дугаар зүйлийн “6 дугаар зүйлийн 6.2 дахь хэсгийн “30.2.2-30.2.6 дахь заалт, 30.3-30.5 дахь хэсэг” гэснийг,” гэснийг, мөн зүйлийн 21 дүгээр зүйлийн 21.1.38, 22 дугаар зүйлийн 22.1.3, 22.1.4,” гэснийг тус тус хасах.

Санал гаргасан: Ажлын хэсэг

---oOo---

ДӨЧИН НЭГ.УСНЫ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 1 дэх заалтыг хасах.

Санал гаргасан: Ажлын хэсэг

2.Төслийн 3 дугаар зүйлийн 2 дахь заалтыг хасах.

Санал гаргасан: Ажлын хэсэг

3.Төслийн 4 дүгээр зүйлийг хасах.

Санал гаргасан: Ажлын хэсэг

---oOo---

ДӨЧИН ХОЁР.ҮЙЛДВЭРЛЭЛ, ТЕХНОЛОГИЙН ПАРКИЙН ЭРХ ЗҮЙН БАЙДЛЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийг хасах.

Санал гаргасан: Ажлын хэсэг

2.Төслийн 3 дугаар зүйлийг хасах.

Санал гаргасан: Ажлын хэсэг

3.Төслийн 4 дүгээр зүйлийг хасах.

Санал гаргасан: Ажлын хэсэг

НАЙРУУЛГЫН САНАЛ

1.Дээрх санал дэмжигдсэнтэй холбогдуулан төслийн нэрийн “, ӨӨРЧЛӨЛТ” гэснийг хасах.

Санал гаргасан: Ажлын хэсэг

---oOo---

ДӨЧИН ГУРАВ.ҮНДЭСНИЙ ТӨЛБӨРИЙН СИСТЕМИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 4 дүгээр зүйлийн “11.1.12 дахь заалт,” гэснийг, мөн зүйлийн “заалт, 14 дүгээр зүйлийн 14.1.10 дахь” гэснийг, мөн зүйлийн “13 дугаар зүйлийн 13.1 дэх хэсгийн “батална.” гэснийг “тогтооно.” гэж,” гэснийг тус тус хасах.

Санал гаргасан: Ажлын хэсэг

---oOo---

ДӨЧИН ДӨРӨВ.ХАРИЛЦАА ХОЛБООНЫ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 1 дүгээр зүйлийн 2 дахь заалтыг хасах.

Санал гаргасан: Ажлын хэсэг

---oOo---

ДӨЧИН ТАВ.ХОТ БАЙГУУЛАЛТЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийг хууль санаачлагчид нь буцаах.

Санал гаргасан: Ажлын хэсэг

---oOo---

ДӨЧИН ЗУРГАА.ХОТ, СУУРИНЫ УС ХАНГАМЖ, АРИУТГАХ ТАТУУРГЫН АШИГЛАЛТЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 2 дугаар зүйлийг хасах.

Санал гаргасан: Ажлын хэсэг

2.Төслийн 3 дугаар зүйлийг хасах.

Санал гаргасан: Ажлын хэсэг

---oOo---

ДӨЧИН ДОЛОО.ЦӨМИЙН ЭНЕРГИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 3 дугаар зүйлийн “11¹ дүгээр зүйлийн гарчиг, 11¹.1, 12 дугаар зүйлийн 12.1, 15 дугаар зүйлийн 15.3, 18 дугаар зүйлийн 18.8, 19 дүгээр зүйлийн 19.8 дахь хэсэг, 28 дугаар зүйлийн 28.2.6, 28.2.7, 28.2.8 дахь заалт, 32 дугаар зүйлийн 32.2 дахь хэсэг, 36 дугаар зүйлийн 36.1.5 дахь заалт, 43 дугаар зүйлийн 43.4, 48 дугаар зүйлийн 48.1 дэх хэсгийн “мэргэжлийн хяналтын асуудал хариуцсан төрийн захиргааны байгууллага” гэснийг “цөмийн болон цацрагийн асуудал хариуцсан төрийн захиргааны төв байгууллага” гэж,” гэснийг, мөн зүйлийн “14 дүгээр зүйлийн 14.1 дэх хэсгийн “мэргэжлийн хяналтын” гэснийг “харьяалах хяналтын” гэж,” гэснийг, мөн зүйлийн “19.8 дахь хэсгийн “мэргэжлийн хяналтын байгууллага” гэснийг “цөмийн болон цацрагийн асуудал хариуцсан төрийн захиргааны төв байгууллага” гэж,” гэснийг, “, 22 дугаар зүйлийн 22.5.2 дахь заалтын дугаарыг “22.5.1” гэж, 22.5.3 дахь заалтын дугаарыг “22.5.2” гэж,” гэснийг тус тус хасаж, мөн зүйлийн “23 дугаар зүйлийн гарчгийг” гэснийг “23 дугаар зүйлийн гарчгийн “Тусгай зөвшөөрлийг түдгэлзүүлэх” гэснийг” гэж өөрчлөх.

Санал гаргасан: Ажлын хэсэг

---oOo---

ДӨЧИН НАЙМ.ЭМ, ЭМНЭЛГИЙН ХЭРЭГСЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1.Төслийн 3 дугаар зүйлийн 1 дэх заалтын 7.2, 7.5 дахь хэсгийн “Малын” гэснийг “Мал, амьтны” гэж өөрчлөх.

Санал гаргасан: Ажлын хэсэг

2.Төслийн 4 дүгээр зүйлийн “зөвшөөрөл” гэснийг “бүртгэл” гэж, “зөвшөөрлийн” гэснийг “бүртгэлийн” гэж тус тус өөрчлөх.

Санал гаргасан: Ажлын хэсэг

---oOo---

**ДӨЧИН ЕС.ЭРҮҮЛ МЭНДИЙН ТУХАЙ ХУУЛЬД НЭМЭЛТ, ӨӨРЧЛӨЛТ
ОРУУЛАХ ТУХАЙ**

1.Төслийн 3 дугаар зүйлийн “гэж, 41 дүгээр зүйлийн гарчгийн “Ахуйн шавж, мэрэгч устгах, ариутгах, халдваргүйжүүлэх бодисыг улсын бүртгэлд бүртгэх, худалдах”” гэж гэснийг хасах.

Санал гаргасан: Ажлын хэсэг

2.Төслийн 5 дугаар зүйлийн “19.8 дахь хэсгийн “тусгай зөвшөөрлийн хүсэлт хүлээн авсан өдрөөс хойш 120 хоногийн дотор”,” гэснийг хасах.

Санал гаргасан: Ажлын хэсэг

---oOo---